



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDSJEDNIKA I POTPREDSJEDNIKA

Broj: 01-4-01-4-245-2/2022

Sarajevo, 07.03.2022. godine

BOSNA I HERCEGOVINA

UPRAVA ZA INDIRECTNO/NEIZRAVNO OPOREZIVANJE BiH

N/r Dr. Miro Džakula, direktor

Predmet: Prijedlog Odluke o izmjeni Odluke o sprovođenju Zakona o carinskoj politici u Bosni i Hercegovini, mišljenje - *dostavlja se*

(Veza vaš akt broj: 01-02-2-641-9/22 od 28.02.2022. godine)

Poštovani,

U vezi prednje navedenog akta u kojem je decidno naveden tok i realizacija usvajanja novih propisa u pogledu carinskog zakonodavstva u Bosni i Hercegovini, ovim putem Vanjskotrgovinska/Spoljnotrgovinska komora Bosne i Hercegovine izražava žaljenje što Zakon o carinskim prekršajima Bosne i Hercegovine, kao neizostavan dio novog carinskog zakonodavstva, nije usvojen od strane Parlamentarne skupštine BiH do današnjeg dana.

Kako ste i sami naveli, razlog donošenja novog Zakona o carinskim prekršajima Bosne i Hercegovine je usklađivanje oblasti carinskih prekršaja sa odredbama novog Zakona o carinskoj politici u Bosni i Hercegovini i odredbama nove Odluke o sprovođenju Zakona o carinskoj politici u Bosni i Hercegovini, a njegov osnovni cilj jeste da osigura poštovanje zakonskih i podzakonskih odredbi novog carinskog zakonodavstva Bosne i Hercegovine.

Svjesni činjenice da bi moglo doći do ugrožavanja primjene Zakona o carinskoj politici u Bosni i Hercegovini bez da istovremeno ne bude u primjeni i novi Zakon o carinskim prekršajima Bosne i Hercegovine, a s obzirom na izuzetno kratak vremenski period do 01.04.2022. godine, kao i na činjenicu da još nisu preduzete radnje kako bi se ubrzao proces usvajanja Zakona o carinskim prekršajima Bosne i Hercegovine, prinuđeni smo, baš kao i vaša institucija, da podržimo pomjeranje datuma početka primjene Odluke o sprovođenju Zakona o carinskoj politici u Bosni i Hercegovini ("Službeni glasnik BiH", br. 13/19, 54/19, 21/20, 47/21 i 49/21) predviđenog članom 566. stav (1) te odluke, tako da se ta odluka umjesto od 01. aprila 2022. godine primjenjuje od 01. avgusta 2022. godine, a imajući u vidu dalji tok i vrijeme u pogledu procedure usvajanja i stupanja na snagu predloženog Zakona o carinskim prekršajima Bosne i Hercegovine.

Ovim putem naglašavamo da VTK/STK BiH kao zastupnik interesa privrede u Bosni i Hercegovini, nije i ne može biti zadovoljna vremenskim rokom usvajanja neophodnih akata iz oblasti carinskog zakonodavstva, naročito uzimajući u obzir činjenicu da je novi Zakon o carinskoj politici u Bosni i Hercegovini („Službeni glasnik BiH“, broj 58/15) donešen 2015. godine, a da je ovim zakonom bilo predviđeno da svi podzakonski akti budu donešeni 18 mjeseci nakon njegove objave, na šta je ova Komora više puta ukazivala svim nadležnim institucijama u BiH.

Srdačan pozdrav,

